

Class 10 बाइदिमैयानि आसाम
खोन्दो - 13 **Bodo Medium**
आदिबासी सुबुं हानजा

गुदि बात्रा: आदिबासि सोदोबनि ओंथिया जाबाय- 'थागिबि' थामहिनबा हादरनि सिगां थागिबिफोरखौ आदिबासी होनना बुंनाय जायो। आदिबासी फोलेरनि सुबुं हानजाया जाबाय- कावार, कल, भुमिज, चवर, युरिया, पाहारिया, चाउताल, अरां, मुण्डा, माल पाहारिया, माहालि, नहरा, करवा, करा, कियान, कन्दु, खेरवार, काड़िया, कुड़मालि, गड़, यिक, येर, उड़िया, भिल, परजा बायदि बायदि। आसामनि गामि आरो साहा बागानाव थानाय बे हारिनि मानसिफोरा गावसोरखौनो आदिबासी होनना सिनायथि होदों।

आदिबासीफोरनि फोरबो फालिथाइफोरा आबाद आरो मिथिंगायारि मिरुवारि फोरबो। करम फोरबोआ आबाद बिथायारि फोरबो। गुबैयै बे करम फोरबोआ आदिबासीफोरनि गाहाइ फोरबो। बेनि अनगायैबो दुचप, बाहा परब, चहराइ, मागे, फाण्डुवा बायदि बायदि।

आदिबासी रावफोरा द्राबिड़ आरो अष्ट्रीक हानजायारि राव। बिदिन्थिबादियै उरांफोरनि कुडुष रावा द्राबिड़ हानजानि। बेबादिनो मुण्डा आरो सावथालफोरनि रावा अष्ट्रीक हानजानि क 'लारीयान राव।

फराबादियै सोंनायनि फिननाय

1. आदिबासिफोरनि सोमोन्दै सुंद 'यै लिर।

फिन : आसामनि गं 885 साहा बागान आरो गामियाव थानाय 56 लाखसो आदिबासी हारिया असमीया हारिमु आरो आसामनि रांखान्थि-समाजारि जौगानायनि थादेरसा। आदिबासी सोदोबनि ओंथिखौ थागिबि होनना बुंनाय जायो। आदीबासी सुबुं माहारिनि मानसिफोरा गाहाय-हायथा, जोबोर गोसोम गाबनि। आदिबासी सुबुं माहारिया कावार, कल, भुमिज, चवर, चुरिया, पाहारिया, चाउताल बायदि बायदि।

आदिबासीफोरा मिथिंगाखौ आरो मिथिंगानि सायाव सोनारनानै सोलियो। आबाद मावनाया बिसोरनि गुदि खामानि। बिसोरनि फोरबो फालिथाइफोरा आबादजों सोमोन्दो गोनां। बिसोरनि मख 'जाथाव फोरबोफोरा जाबाय करम, भमर, डमकय, जादुर, लाइयुवा बायदि बायदि। बिसोरनि रावफोरा द्राबिड़ आरो अष्ट्रीक हानजायारि राव। बिसोरनि मख 'जाथाव गेदेमा मानसिफोरा जाबाय- ख्रीष्टयन मुण्डा आरो जाष्टिन लाक्रा।

(2) आदिबासीफोरनि राव आरो फोरबो फालिथाइनि सोमोन्दै लिर।

फिन : आदिबासी रावफोरा द्राबिड़ आरो अष्ट्रीक हानजायारि राव। उरांफोरनि कुडुष रावा द्राबिड़ हानजानि। मुण्डा आरो सावथालफोरनि रावा अष्ट्रीक हानजानि कलरीयान राव। बिसोर गावसोरनि गेजेराव गोरोबनाय राव आदिबासीया राव रायज्लायो। आदिबासी कुडुष, मुण्डा, है, सावथाल सावरा, कुड़माली, खारिया बायदि बायदि हारिहा गावबा गाव राव दं।

आदिबासी गाहाइ फोरबोआनो जाबाय करम फोरबो। बे फोरबोखौ भाद्र दाननि एकादशि सानखालि बे फोरबोखौ फालिनाय जायो। करमा गुबैयै आबाद आबाद बिथायारि फोरबो। करमा रोखोमसे बिफां। गामिनि आइजोफोरा हाग्रानिफ्राय करम बिफांखौ दानना

लाबोना गामिनि सिथलायाव गायो। गामिनि राइजोफोरा मोसा मोसा
करम मोदायखौ फुजियो।

करम फोरबोआ लोगोथि, खौसेथि, मोजां आबाद आरो उनाव हाबा
जानो थियारि जानाय सिख्लाफोरनि थाखाय मोनसे ब्रतनि सम होनानै
राइजोआ आबाद फोथारनि मोजां जानायजों लोगोसे गोबां दिहुननो
हानायनि मिजिं खालामना मोदाइनि सेंराव आरज खालामो। बेनि
अनगायैबो आदीबासिफोरनि गेजेराव टुचप, बाहा परब, चहराय,
मागे, फाण्डुवा बायदि बायदि।

उफेरा सोंथि

1. हेमक 'षनि बादिब्ला आदिबासीनि ओंथिया मा?

फिन : हेमक 'षनि बादिब्ला आदिबासीनि ओंथिया जाबाय सिगां
थाजेननाय।

2. आदिबासी सुबुंफोरनि जायखिजाया मोनजि बिमुं लिर।

फिन : कावार, कल, भुमिज, सावर, सुरिया, पाहारिया, साउताल,
मुण्डा, अरां, कन्दु।

3. आदिबासीफोरा मा बिफांखौ फुजा खालामो?

फिन : करम बिफांखौ।

4. लिरसुंथाइ लिर-

(क) ख्रीष्टचन मुण्डा।

(ख) जाष्टिन लाक्रा।

फिन : (क) ख्रीष्टचन मुण्डा : भारत उदांसि सोमावसारनायाव 1916 मायथाइयावनो बिथाडा मुंख्लं जायो। तेजपुर खाथिनि फुलबारी साहा बागानाव ख्रीष्टचन मुण्डाया आसामनि आबादारि आरो खामानि मावग्राफोरनि बिग्राइनायखौ 1910-1916 मायथाइयाव जागायदोंमोन (Tea Garden Labours of North East Indi-S. Karotemprel B. Dutta Roy P-166-167)। ब्रिटिछ सरकारा ख्रीष्टचन मुण्डाखौ फुलबारी साहा बागाननि राइजोआरि जायगायाव फासि होयो जाहाथे फिन रावबो मावग्राफोरा ब्रिटिछ सरकारनि हेंथायै गसंखांनो साहस खालामा।

नाथाइ बे जाथाइनि उनाव साहा बागानफोराव उदांसि सोमावसारनाया गोसारसिनो। हेलेम, सनाजुलि, कछारी, गामि बायदि साहा बागानफोराव गोख्रों सोमावसारनाया सोलियो (Planter Raj to Swaraj-A. Guha)। मलति अरां (मांग्रीमेम), दयाल पानिका, बाकुड़ सावरा मोनबादि गोबां आदिबासीया उदांसि सोमावसारनायाव मुंख्लं जायो।

(ख) जाष्टिन लाक्रा : सदौ आदिबासी फरायसा आफादनि जोनोमहोगिरि जाष्टिन लाक्रानि जोनोमा जादोंमोन चराइबिलनि कचुकाता गामियाव 1970 मायथाइनि 2 अक्ट 'बरखालि। 1996 मायथाइयाव श्विलं कलेजाव हारियारि दाडाबाजि जादोंमोन आरो 2 लाखफ्राम मानसिया बादायाव थायो। बिथाडा सोलोंथाइ नागारनानै राइजोनि सिबिनाय खामानियाव ओंखारो।

2 जुलाइ खालारखालि जाष्टिन लाक्राया लोगोफोरजों (जसेप मिन्ज', ष्टिफान एक्का, बस्क चेरमाक', मांरा अरां आरो उइलफ्रेड टप्प) आरि लखिमपुरनि जुनुबस्टि आदिबासी लाबोनायखो फरायसालियाव ज 'जायो आरो 1996 मायथाइनि 2 जुलाइयाव सदौ आदिबासी

फरायसा आफादखौ दायो। राइजोनि रैखाथि आरो गोजोन लाबोनाया
आदिबासीफोरनि गाहाइ थांखि।

जोनोम मोनखांनायनि उनाव आदिबासी फरायसा आफादा गुबुन
गुबुन सुबुं हान्जानि आफादफोरजों गोजोननि मेल खुंनानै
गोजोन-आब्रुथि लाबोनो नाजायो। उनांव आदिबासी फरायसा
आफादा आदिबासीफोरखौ जनजाति खालामनाय आरो साहा
मजदुरफोरनि मजुरा बांहोनायखौ गाहाइ दाबी महरै लानानै गोलाउ
सम सोमावसारबोदों। बे सोमावसारनाया आदिबासी समाजाव ज
'रखा गोहोम खोख्लैदों।

सोमावसारनायाव आन्दरियाच मारिं, हेमलाल सना, बस्क चेरमाक',
जितेन ताति मोना गासै सा 18 बीर आदिबासीया गावनि जिउखौ
बावो। 2015 मायथाइनि 13 जुलाइखालि गेदेमा आदिबासी
दैदेनगिरि जाष्टिन लाक्राया जिउ नागारो आरो बिथांनो उनाव
आदिबासीफोरनि "हारिनि बिफा" होनना मुं होनाय जायो।